

10 IUNIE
RUGACIUNEA 3
SF. IERARH
IOAN MAXIMOVICI
AL TOBOLSKULUI
SI INTREGII SIBERII
МОЛИТВА

В тяжкую годину бед и напастей, постигших Отечество наше от нашествия врагов, Господь яви ты, Святителю и Чудотворче наш Иоанне, яко Солнце пресветлое, согревающее и оживляющее скорбные сердца наша светом любви и милосердия твоего, разгоняющее облажащий нас мрак уныния, печали, скорби и страданий и веселящее надеждою на скорое успокоение, мир, тишину и безмятежие в земли нашей. Пробави милость твою, отче святой, и впредь к нам грешным и недостойным, к земному Отечеству твоему — державе Российстей, к стране Сибирстей и ко граду твоему и храму сему. Отпадшия соедини Святей Соборней и Апостольстей Церкви, заблудшия на

путь правый настави, возгрей в хладных сердцах наших дух правыя веры, крепкия надежды и любви христианския. Помози нам быти верными и послушными чадами Святыя Церкви Христовой, старость поддержи, юныя уцеломудри, младенцы воспитай, сирья защити, бедныя и немощныя посети твоею милостию, скорбящия утеши, малодушныя поддержи, болящия исцели твоею благодатию. Ей, просим, не отрини, святителю Христов Иоанне, грешнаго и смиреннаго моления нашего и услыши нас припадающих умиленною душею и сокрушенным сердцем пред пречистою ракою мощей твоих и святым образом твоим. Буди нам помощник и покровитель и в сей жизни и по отшествии из нея, да сподобимся и мы нескончаемья блаженныя жизни, юже уготови Бог любящим Его, Аминь.